

CBETA電子佛典集成

CBETA Chinese Electronic Tripitaka Collection
eBook

T20n1076

七俱胝佛母所說准 提陀羅尼經

唐 不空譯

目次

- [編輯說明](#)
- [章節目次](#)
 - [七俱胝准提陀羅尼念誦儀軌](#)
- [卷目次](#)
 - 001
- [贊助資訊](#)

編輯說明

- 本電子書以「CBETA 電子佛典集成 Ver si on 2023 .Q4」為資料來源。
- 漢字呈現以 Uni code 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 ser.yi.ce@cbeta.org 回報。
- 版權所有，歡迎自由流通，但禁止營利使用。

No. 1076 [cf. Nos. 1075, 1077]

七俱胝佛母所說准提陀羅尼經

開府儀同三司特進試鴻臚卿肅國公食邑三千戶賜紫贈司空諡大監正
號大廣智大興善寺三藏沙門不空奉 詔譯

如是我聞：

一時薄伽梵在名稱大城逝多林給孤獨園，與大苾芻眾并諸菩薩，及諸天龍八部前後圍繞。愍念未來薄福惡業眾生，即入准提三摩地，說過去七俱胝佛所說陀羅尼曰：

「娜莫颯多南(引)三藐三沒馱(引)俱(引)胝南(引)怛爾也(二合)他(引)唵者禮主禮准泥娑嚩(二合引)賀(引)」

「若有修真言之行出家在家菩薩，誦持此陀羅尼滿九十萬遍，無量劫造十惡、四重、五無間罪悉皆消滅，所生之處常遇諸佛菩薩，豐饒財寶，常得出家。若是在家菩薩，修持戒行堅固不退，誦此陀羅尼常生天趣，或於人間常作國王，不墮惡趣，親近賢聖，諸天愛敬擁護加持。若營世務無諸災橫，儀容端正言音威肅，心無憂惱。若出家菩薩，具諸禁戒，三時念誦依教修行，現生所求出世間悉地，定慧現前，證地波羅蜜圓滿，疾證無上正等菩提。

「若誦滿一萬遍，即於夢中見佛菩薩，即吐黑物。其人若罪尤重，誦二萬遍，即夢見諸天室寺舍，或登高山或見上樹，或於大池中澡浴，或見騰空，或見與諸天女娛樂，或見說法，或見拔髮剃髮，或食酪飯飲白甘露，或度大海江河，或昇師子座或見菩提樹，或乘船或見沙門，或見居士以白衣黃衣覆頭，或見日月，或見童男童女，或上有乳菓樹，或見黑丈夫口中吐火焰共彼鬪得勝，或見惡馬水牛欲來牴觸持誦者或打或叱怖走而去，或食乳粥酪飯，或見蘇摩那花，或見國王。若不見如是境界者，當知此人前世造五無間罪，應更誦滿七十萬遍，即見如上境界，應知罪滅，即成先行。然後依法畫本像，或三時或四時或六時依法供養，求世間出世間悉地，乃至無上菩提皆悉獲得。

「若有修持此陀羅尼，當知未來成就處所、有難無難、悉地遲疾。應於一淨室，以瞿摩夷塗一小壇，隨力供養，以結界真言結十方界。以香水一瓶置在壇中，一念誦，其瓶動轉，當知所為所求事成就；若不動轉，其事不成。

「又法取一瓦椀，以香塗，置於壇中。專心念誦，椀若轉動，事即成就；若不動，事即不成。

「又法欲知未來之事，先塗一小壇，令一具相福德童子澡浴清潔著新淨衣服，以七俱胝真言加持香塗童子手，又加持花七遍置童子手

中，令童子掩面立於壇中。又取別花誦真言，加持一遍一打童子手背，乃至二十一枚，即問童子善惡之事，童子皆說。

「又法取一明鏡置於壇中，先誦真言加持花一百八遍已，然後又誦真言一遍一擲打鏡面，於鏡面上即有文字現，說善惡事。

「又法欲知事善不善、成就不成就，取蘇摩那花香油，誦真言加持一百八遍，塗右手大母指面。誦真言聲不斷絕，令童子觀指上，現諸佛菩薩形像，或現文字具說善惡。

「又法若人患鬼魅病，取楊柳枝或茅草，誦真言拂患者身，即得除愈。

「又法若患重病者，誦真言一百八遍，稱彼人名，以牛乳護摩即差。

「又法若孩子夜啼，令童女右搓線，誦真言加持，結二十一結繫於頸下，孩子即不夜啼。

「又法先加持白芥子一百八遍，然後取芥子誦真言，一遍一擲打彼鬼魅者，滿二十一遍其鬼魅馳走，病者除愈。

「又法若有患鬼，以瞿摩夷塗一小壇，以麩炭畫地作鬼魅形，誦真言以石榴等鞭之，彼鬼啼泣馳走而去。

「又法若人被鬼魅所著，或復病者，身在遠處不能自來，或念誦人又不往彼，取楊柳枝或桃枝或花，加持一百八遍，使人將往病人所，以枝拂病人、或以花使病人嗅、或以花打病人，是魅即去，病者除差。

「又法若被蛇所嚙、或拏吉女鬼所持，旋遶病人誦真言，其病即愈。

「又法若人患癰腫等及諸毒蟲所嚙，取檀香汁和土為泥，誦真言七遍塗瘡上即愈。

「又法若在路上行，誦此真言，不被賊劫傷損，亦離諸惡禽獸等難。

「又法若鬪諍言訟論理及談論求勝者，誦此真言強勝。

「又法若於江河中行，誦此真言，不被漂休及水中惡龍摩竭鼃鼉等傷害。

「又法若被囚禁繫閉者，誦此陀羅尼，速得解脫。

「又法國中有疫病，七夜以油麻、粳先和酥蜜作護摩，即得災滅，國土安寧。

「又法若求豐饒財寶者，每日以種種食護摩，得財寶豐饒。

「又法欲令人敬愛歡喜者，真言句中稱彼人名，即得歡喜順伏。

「又法若無衣者，念誦即得衣。

「又法意中所求，念誦皆得如意。

「又法若人身體支節痛，加持手二十一遍，摩觸痛處即差。

「又法若患瘡及頭痛，以加持手二十一遍摩觸，亦得除差。

「又法塗一小壇，取一銅碗盛滿淨灰，令童子兩手按灰碗上。持誦者應誦真言，本尊使者入童子身，其碗即轉，即下語童子。日自結三部三昧耶印，誦三部真言，即取滑石過與童子。童子即於地上書過去未來事吉凶善惡，及失脫經論、廢忘難義、真言印即得知解。

「又法兩軍相敵，於樺皮上書此陀羅尼，懸於竹竿上令人手把，誦真言，彼敵即破。

「又法若女人無男女，以牛黃於樺皮上書此真言令帶，不久當有男女。

「又法或有女人夫不重，取一新瓶滿盛水，於瓶中著七寶及諸靈藥、五穀、白芥子，以繒帛繫瓶項，以真言加持一百八遍，令女人結根本印安頂上，以水灌頂，即得寵愛敬重。非但敬重，亦得有子息，在胎牢固。

「又法行者每念誦時，結大印誦真言，印塔滿六十萬遍，所求之事即得滿足，觀自在菩薩、金剛手菩薩、多羅菩薩即為現身，所求如意，或作阿蘇羅宮中王，或得菩薩地，或得長年藥，或得敬愛法成就。

「又法於菩提道場、於大制底前誦此陀羅尼，得見聖僧共語與悉地成就，得共彼同行，即共同彼聖僧。

「又法於高山頂上念誦一俱胝遍，金剛手菩薩將此人領五百六十人同共阿蘇羅宮，壽命一劫，得見彌勒菩薩、聽聞正法，聞法已獲菩薩地得不退轉。

「又法上毘補羅山，云但有高山亦得，有舍利塔像前念誦，隨力以香花供養，乞食以支身命，從月一日至十五日，誦陀羅尼滿三十萬遍。取其滿日一日一夜不食，倍加供養，至後夜即見金剛手菩薩將行人往自宮中，為行者則示阿蘇羅窟門，入窟中得天妙甘露，壽齊日月。

「又法於三道寶階從天下處寶塔，行者乞食旋遶誦俱胝遍，即見無能勝菩薩，與願、為說妙法，示無上菩提道。或見訶利底母，將此人入自宮中與長年藥，還童年少端正可喜。獲得伏藏，大人許可，應廣利益三寶。得一切菩薩安慰示其正道，乃至菩提道場。

「又法若人無宿善根、無菩提種、不修菩提行，纔誦一遍則生菩提法芽，何況常能念誦受持。」

七俱胝准提陀羅尼念誦儀軌

若有修習此陀羅尼求成就者，先須澡浴，應著淨衣，嚴飾道場安置本尊，隨力所辦。其道場法，應擇勝地作四肘壇，掘深三肘，除去瓦礫惡土髮毛及骨灰炭蟲蟻等，以好淨土填滿築平；掘無惡土，即

取舊土填。土若有勝，當知其地是大吉祥，速疾成就。取未墮地瞿摩夷，以香水和沙好土為泥，誦無能勝菩薩真言加持二十一遍，然後塗壇。泥已復取五淨相和五淨者，瞿摩夷汁、牛尿、酪、乳、酥，以無能勝菩薩真言加持一百八遍，右旋遍塗其壇。若於山石上建立，或在樓閣、或居船上、一切賢聖得道處，但以五淨塗拭，面向東坐，結無能勝印按地，誦真言七遍加持壇中心。又取諸藥、七寶并五穀各少分，掘中心深一肘，安諸藥及七寶。復取舊土填滿平治，以右手按，誦地天偈三遍，警覺地天神。偈曰：

「汝天親護者，於諸佛道師，
修行殊勝行，淨地波羅蜜。
如破魔軍眾，釋師子救世，
我亦降伏魔，我畫曼荼羅。」

誦地天真言曰：

「曩莫三漫多沒馱(引)南(引)畢哩(二合)體(他以反)微曳(二合)娑嚩(二合)賀」

誦偈加持已，然後以檀香塗九箇聖位如滿月，以新淨供具，金、銀、熟銅、商法、貝、玉、石、瓷、木等新器，盛諸飲食及好香草、燈燭、闍伽香水，隨力所有布列供養。若在家出家菩薩求成就者，每入道場先應禮佛、懺悔、隨喜、勸請、發願已，應自誓受菩提心戒。真言曰：

「唵沒(引)地止多母怛跛(二合引)娜野弭」

菩提心者，離一切我執，遠離蘊處界，及離能取所取，於法平等。自心本不生，自性空故。如過去一切佛菩薩發菩提心，我亦如是。此名自誓受菩提心戒。由誦一遍思惟勝義諦，獲得無量無邊無為功德莊嚴三業，乃至菩提道場，其福無間斷，速滅一切業障，真言速得成就，本尊現前。如《花嚴·入法界品》慈氏菩薩為善財童子說菩提心功德。自誓菩提心戒已，全跏半跏隨意而坐，端身閉目即結定印，想空中准提佛母與七俱胝佛圍繞遍滿虛空。定中禮一切諸佛及准提佛母，然後以塗手應結契印。

佛部三摩耶印

二手虛心合掌，開二頭指屈輔二中指甲下第一節側，二大指各附二頭指根下即成。當心誦真言七遍，想於如來三十二相八十種好，相好分明如對目前。真言曰：

「唵怛他(引)孽都納婆(二合)嚩(引)野娑嚩(二合引)賀」

由結此印誦真言故，即警覺一切如來悉當護念加持行者，以光明照觸，所有罪障皆得消滅，壽命長遠福慧增長，佛部聖眾擁護歡喜，

生生世世離諸惡趣，蓮花化生速證無上正等菩提。

蓮花部三麼耶印

以二手虛心合掌，散開二頭指二中指二無名指屈如蓮花形，安印當心誦真言七遍，想觀自在菩薩相好具足，於頂右散。真言曰：

「唵跛娜謨(二合引)納婆(二合)嚩(引)野娑嚩(二合引)賀(引)」

由結此印誦真言故，即警覺觀自在菩薩等持蓮花者，一切菩薩光明照觸，所有業障皆悉除滅，一切菩薩常為善友。

金剛部三麼耶印

以左手翻向外，以右手掌背安左手背，以左右大小指互相鉤如金剛杵形，安於當心，想金剛手菩薩，誦真言七遍，頂左散印。真言曰：

「唵嚩日嚩(二合)納婆(二合)嚩(引)野娑嚩(二合引)賀(引)」

由結此印及誦真言故，即警覺一切金剛聖眾加持擁護，所有罪障皆得除滅，一切痛苦終不著身，當得金剛堅固之體。

次結第二根本印(用護身)。

二手外相叉，二頭指二大指並直豎即成。誦佛母心真言，印身五處，所謂額、次右肩、次左肩、次心、次喉，頂上散。真言曰：

「唵迦麼黎尾麼黎准泥娑嚩(二合引)賀(引)」

結護身印時，起大慈心遍緣六道四生，願一切有情披大誓莊嚴堅固金剛甲冑，速證無上正等菩提。

次結地界橛印。

二手內相叉，豎二大指二頭指二小指各相合，屈左頭指如鉤，三掣大母指指地，印成，一掣誦真言一遍。真言曰：

「唵准爾爾枳邏野娑嚩(二合引)賀」

由結此印誦真言加持地界故，下至水際如金剛座，天魔及諸障者不為惱害，少加功力速得成就。持誦者次應於壇中心想八葉大蓮花，上有師子座，座上有寶樓閣，垂諸瓔珞繒幡幢蓋，寶柱行列垂妙天衣，周布香雲普雨雜花、奏諸音樂、寶瓶闍伽、天妙飲食，摩尼為燈。如無曼荼羅，但於空中觀想即成。作此觀已，應誦此偈：

「以我功德力， 如來加持力，
及以法界力， 普供養而住。」

誦此偈已。即誦大虛空藏菩薩真言曰：

「唵誡誡曩三婆嚩嚩日囉(二合)斛(引)」

由誦此真言加持故，所想供養具真實無異，一切聖眾皆得受用。

次結寶車輅印。

二手內相叉仰掌，二頭指橫相拄，以二大指各捻頭指根下。想七寶車輅，佛部使者駕御七寶車輅乘空而去，至於色界頂阿迦尼吒天毘盧遮那佛宮殿中。誦真言七遍。真言曰：

「唵靺嚩靺嚩吽(引)」

由誦真言結印加持故，七寶車輅至色界頂，准提佛母并八大菩薩及諸聖眾眷屬圍遶，乘七寶車輅。

次結請車輅印。

准前印，以大指向身撥中指即成。誦真言七遍。真言曰：

「曩莫悉底哩(二合)野地尾(二合)迦南(一)(引)怛他(引)孽多(引)南(二) 唵縛日[口*朗](二合)擬(伽以反)羯哩灑(二合)也娑嚩(二合引)賀」

由誦真言加持故，聖眾從本土來至道場空中而住。次結請本尊印，從車輅下降於道場，准前第一根本印，以二大指向身招。誦真言三遍。真言曰：

「唵者禮主禮准泥翳醯曳(二合)呬婆誡嚩底(丁以反)娑嚩(二合引)賀」

次結無能勝菩薩印辟除障者。

二手右押左內相叉作拳，豎二中指頭相合即成。遶身左旋三匝，作是思惟：「所有障者毘那夜迦諸惡鬼神遠走而去，所來聖眾不越本三麼耶大悲而住，願垂加護。」

「曩莫三滿多勃馱(引)南(引)唵戶魯戶嚕戰拏里麼(引)蹬耆娑嚩(二合引)賀」

次結牆界印。

准前地界印，屈右頭指展左頭指，右旋三匝，隨心近遠即成金剛堅固之城。諸佛菩薩尚不違越，何況諸餘難調伏者毘那夜迦及毒蟲利牙爪者，不能輔近。真言曰：

「唵准爾儻鉢囉(二合)迦囉耶娑嚩(二合引)賀(引)」

次結上方網界印。

准前牆界印，展左頭指，右押左，當中節相交即成。誦此真言三遍。真言曰：

「唵准爾儻半惹囉娑嚩(二合引)賀」

由誦真言結印加持故，即成金剛堅固不壞之網。

次結火院密縫印。

以左手掩右手背相重，直豎二大指即成。誦真言三遍，右旋三匝，想金剛牆外有金剛火圍繞。真言曰：

「唵阿三莽擬(伽以反)爾吽(引)發吒(半音)」

由結此印誦真言，成大結護密縫，不被諸魔入。

次結闕伽印。

二手內相叉，豎二中指頭相著，以二頭指捻二中指背，二大指側附二頭指根下，即成根本印。准前根本印，微屈二大指入掌，即成闕

伽印。誦真言三遍。真言曰：

「唵者禮主禮准泥遏鉗鉢羅(二合)底蹉婆譏嚩底(丁曳反)娑嚩(二合引)賀(引)」

行者思惟聖眾了了分明，想自身在諸佛聖眾足下，手持七寶闕伽器，盛香水浴聖眾足。由獻闕伽香水故，行者三業清淨，洗滌煩惱垢，業障消滅。

次結蓮花座印。

准前根本印，並二大指向身豎，運想從此印流出無量師子座，奉獻一切聖眾，是諸聖眾各各皆坐。真言曰：

「唵迦麼邏娑嚩(二合引)賀」

由結座印誦真言奉獻聖眾故，行者當得十地滿足，得金剛之座。

准前根本印，以二大母指頭捻二中指中節即成。誦真言三遍。真言曰：

「唵者娑嚩(二合引)賀(引)」

想從此印流出無量光明，一一光明道有無量七寶賢瓶。想滿天妙香水灌注一切聖眾澡浴。復想空中有無量天樂，供養本尊諸佛菩薩一切聖眾。由結此印誦真言故，行者不久當證法雲地。

次結塗香印。

准前根本印，以二大指博著右頭指下節即成。真言三遍。真言曰：

「唵禮娑嚩(二合引)賀(引)」

想從此印流出無量光明，一一光明道有無量天妙塗香秣香雲海，供養本尊諸佛菩薩一切聖眾。由結此印誦真言故，當證一切如來戒、定、慧、解脫、解脫知見香。

次結花印。

准前根本印，以二大指博著左頭指下節即成。誦真言三遍。真言曰：

「唵主娑嚩(二合引)賀(引)」

想從此印流出無量光明，一一光明道有無量天妙花雲海，供養本尊諸佛菩薩一切聖眾。由結此印誦真言故，當得大慈三摩地成就，能利樂無邊眾生，諸災難不著身。

次結燒香印。

准根本印，屈右頭指捻二大指頭即成。誦真言三遍。真言曰：

「唵禮娑嚩(二合)賀」

想從此印流出無量光明，一一光明道有無量和合俱生天妙燒香雲海，供養本尊諸佛菩薩一切聖眾。由結此印誦真言故，當得普遍法界三摩地成就。

次結飲食印。

准前根本印，以左頭指捻二大指頭即成。誦真言三遍。真言曰：

「唵准娑嚩(二合引)賀(引)」

想從此印流出無量光明，一一光明道有無量天妙種種飲食雲海，供養本尊諸佛菩薩一切聖眾。當得法喜禪悅食，三解脫最勝味，三摩地成就。

次結燈印。

准前根本印，以二頭指各捻二大指頭即成。誦真言三遍。真言曰：

「奄泥娑嚩(二合引)賀」

想從此印流出無量光明，一一光明道有無量種種七寶燈燭雲海，供養本尊諸佛菩薩一切聖眾。當得般若波羅蜜光明五眼清淨。

次誦讚歎：

「阿嚩怛囉左覩囉娜(二合)舍(引)囉馱(二合)娑麼(二合)囉哩補句致鉢囉(二合)拏麼跛娜尾呬帝阿者禮怛[齒*來]娑哩素爾祖禮悉[亭*夜]思准泥薩囉(二合)悶底南(引)娑嚩捨麼爾娑嚩(二合)罕(引)帝薩跛囉(二合)拏吠怛爾也(二合)他(引)訖灑(二合)囉(引)拏槃帝阿尾爾多薩怛嚩(二合)娜麼[寧*頁]囉(二合)泉那路(引)迦怛囉(二合)野(引)囉他(二合)迦唎囉訖多(二合)囉尾(二合)那戌(引)鼻[寧*頁]播(引)怛囉(二合)迦囉鐸訖使(二合)[寧*頁]娑普(二合)砧悉體(二合)怛嚩(二合)進底多麼囉貪(二合)瑟砧(二合)李佉惹曩[寧*頁](慈以反下同)那爾底薩帝(知曳反)曩跛囉(二合)曩跛囉(二合)庫舞(二合)地囉囉始嚩野薩怛梵帝(知曳反)囉弭焰(二合)惹閉(去)怛母(二合)[寧*頁]帽(引)爾(爾夷反)嚩日哩(二合)擔拏邏馱淦(二合)素囉哩補婆嚩南跛囉(二合)吠捨野底阿(引)哩野(二合)嚩路(引)拏帝幡悉[亭*夜]底諾僧捨間薩怛多惹播(引)多(半音呼多諾反)曩悉底(二合)薩怛梵(三合)曩那娜惹孽底緊旨爾也(二合)羯底(二合)毘藥(二合)壹底娑迦羅播(引)跛曩(引)舍[寧*頁]婆誡嚩底跛恥多麼(引)怛囉(二合)悉地迦哩布囉野麼努(引)囉貪冥泉娜底曩怛梵(二合)娑麼(二合)嚩迦室子(二合)多(半音)」

次說本尊陀羅尼布字法。

從頂至足觀一一真言字，屈曲分明流出光明，照六道四生輪迴有情，深起悲愍施與安樂。用陀羅尼九字，布列於行者身。

即成以如來印，八大菩薩所加持身，若作息災、增益、降伏、敬愛，隨四種法所謂白、黃、黑、赤，成辦悉地。

即結布字印。二手內相叉，二大指二頭指二小指相合即成。

想唵 字安於頂，以大母指觸頭上。

om

次想兩目童人上俱。

想者 字，復以大母指觸右左眼上。

ja

次想禮 字安於頸上，用大母指觸。

le

次想主 字當心，以大母指觸。

co

次想禮 字安左右肩，以大母指觸。

le

次想准 字安臍上，以大母指觸。

ca

次想泥 字安右左兩髀上，以小指觸。

nde

次想娑嚩(二合) 字安右左兩髀上，以小指觸。

sv ā

次想賀 字安右左二足掌，用小指觸。

h ā

由想布真言結印加持故，行者身即成准泥佛母身，滅除一切業障，積集無量福德吉祥，其身成金剛不壞體。若能常專注觀行，一切悉地皆得見前，速證無上正等菩提。

次結根本印，誦根本真言七遍，頂上散印。即取菩提子念珠具一百八，依法貫穿。即以塗香塗其珠上，以二手掌中捧珠當心，誦真言七遍加持念珠。真言曰：

「唵尾嚩(引)遮那(引)麼羅娑嚩(二合引)賀(引)」

加持頂戴，心口作是願言：「我今欲念誦，唯願本尊諸佛菩薩加持護念，願令速得隨意所求悉地圓滿。」然後以左手無名指大指承珠，右手以大指無名指移珠，手如說法相。當於心前持珠念誦，其聲不緩不急，心專注不異緣，觀自身同本尊身相好具足。又於身前壇中，觀想七俱胝佛母與眷屬圍遶，了了分明對坐。每稱娑嚩(二合)賀字，同時移一珠。或一百八或一千八為念誦遍數，常須限定。若不滿一百八，即不充求悉地遍數。念誦畢已，蟠珠於掌中，頂戴發願，作是願言：「以我念誦功德，一切眾生所修真言行、求上中下悉地，速得成就。」安珠於篋中。

即結定印，端身閉目澄心定意，當於胸臆身內炳現圓明如滿月皎潔光明，起大精進決定取證。若能不懈怠專功，必當得見本源清淨之心。於圓明中想唵字，餘八字右旋，於圓明上布列。於定中須見真言字分明，既不散動得定，即與般若波羅蜜相應，即畫圓明月輪。次應思惟字母種子義。

唵 字者，是三身義，亦是一切法本不生義。

om

者 字者，一切法不生不滅義。

ca

禮 字者，一切法相無所得義。

le

主 字者，一切法無生滅義。

co

禮 字者，一切法無垢義。

le

准 字者，一切法無等覺義。

cu

泥 字者，一切法無取捨義。

nde

娑嚩(二合) 字者，一切法平等無言說義。

sv ā

賀 字者，一切法無因義。

h ā

由一切法本不生故，即得不生不滅。

由不生不滅故，即得相無所得。

由相無所得故，即得無生滅。

由無生滅故，即得無垢。

由無垢故，即得無等覺。

由無等覺故，即得無取捨。

由無取捨故，即得平等無言說。

由平等無言說故，即得無因無果般若相應無所得以為方便，入勝義實則證法界真如。以此為三摩地念誦。畢已應結根本印。

次結澡浴印。

次結五供養印。

次誦讚歎獻闍伽。

次結阿三麼擬爾(二合)印，左轉一匝解界。

次結寶車輅印，以大母指向外撥中指頭，奉送聖者還本宮。奉送真言曰：

「唵者禮主禮准泥孽車孽車娑嚩嚩底娑嚩(二合)娑嚩南布娜囉(引)誑麼那野娑嚩(二合引)賀」

次結三部三麼耶印，各誦真言一遶禮佛，如前懺悔、隨喜、勸請、發願、迴向無上菩提。隨意經行，轉讀大乘經典《花嚴》、《大般若》等經，印塔像、浴舍利，右旋遶，思六念。以此福聚，迴向自所求悉地。

次說息災、增益、敬愛、調伏四種法。

扇底迦法者，求滅罪轉障，除災害鬼魅疾病、囚閉枷鎖、疫病、國難、水旱不調、蟲損苗稼、五星凌逼本命，悉皆除滅，煩惱解脫。

是名息災法。作此法時，著白衣面向北，交脚豎膝吉祥坐。觀本尊白色，供養飲食菓子香花燈燭地等，悉皆白色。從月一日至八日，日三時念誦，夜作護摩。息災真言曰：

「唵者禮主禮准泥(令某甲，若為他人念誦稱彼名字)扇底矩嚕娑嚩(二合引)賀」

布瑟置(二合)迦法者，求延命、官榮、伏藏、富饒、聰慧、聞持不忘、藥法成就、金剛杵等成就，或作師子象馬類，以真言加持三相現，隨上中下所求獲果，如悉地廣說。欲求持明仙人阿蘇囉窟，及諸八部鬼神窟求人者皆得。及證地位神通，求二種資糧圓滿，速成無上菩提，名增益法。作此法時，身著黃衣，面向東結跏趺坐，觀本尊黃色，所供養香花飲食菓子、燈燭地等，並皆黃色。從月八日至十五日，日三時念誦，夜作護摩。真言曰：

「唵者禮主禮准泥(令某甲)布瑟微(二合)矩嚕娑嚩(二合)賀」

伐施迦囉拏法者，若欲令一切人見者發歡喜心，攝伏鉤召若男若女、天龍八部、藥叉女及攝伏鬼神，有諸怨敵作不饒益事皆令迴心歡喜，諸佛護念加持，是名攝召敬愛法。作此法者，身著赤衣，面向西，豎二膝並脚名普賢坐。觀本尊及所供養香花飲食菓子、燈燭地等，並皆赤色。從十六日至二十三日，日三時念誦，夜作護摩。攝召真言曰：

「唵者禮主禮准泥(令某甲)嚩試矩嚕娑嚩(二合)賀(引)」

阿毘遮嚕迦法者，犯五無間、謗方等大乘、毀滅佛性、背逆君主惑亂正法，於如是之人深起悲愍，應作降伏法。以驢糞、或駝糞、或燒尸灰以用塗壇。作此法時，身著黑衣或青衣，面向南，左脚押右腳蹲踞坐，觀本尊黑色，取臭無香氣黑色或青色花供養，所供飲食香花菓子、燈燭地等並皆黑色或青色。從月二十三日至月盡日，取午時、中夜二時念誦，夜作護摩。真言曰：

「吽者禮主禮准泥(令某甲)跛囉(二合)喃伽多野吽發吒」

次說准泥佛母畫像法。

取不截白疊去毛髮者，**幘**於淨壁。先應塗壇，以闕伽飲食隨力供養。畫師應受八戒齋，清淨畫像。其彩色中勿用皮膠，於新器中調色。應畫准提佛母像，身黃白色結跏趺坐，坐蓮花上。身佩圓光，著輕縠如十波羅蜜菩薩衣，上下皆作白色。復有天衣角絡、瓔珞頭冠，臂環皆著螺釧，檀慧著寶環。其像面有三目，十八臂，上二手作說法相，右第二手作施無畏，第三手執劍，第四手持寶鬘，第五手掌俱緣菓，第六手持鉞斧，第七手執鉤，第八手執金剛杵，第九手持念珠。左第二手執如意寶幢，第三手持開敷紅蓮花，第四手軍持，第五手羈索，第六手持輪，第七手商佉，第八手賢瓶，第九手掌般若梵夾。蓮花下畫水池，池中難陀龍王，塢波難陀龍王拓蓮花

座。左邊畫持誦者，手執香爐瞻仰聖者。准提佛母矜愍持誦人，眼下顧視。上畫二淨居天子，一名俱素陀天子，手持花鬘向下，承空而來供養聖者。畫像已，隨力僧次請七僧供養，開光明呪願讚歎。於像下應書法身緣起偈。將像於精室祕密供養，以帛覆像。念誦時去覆帛，瞻禮供養。念誦畢，却以帛覆，慎勿令人見。何以故？從師受儀軌畫像法，若轉與人呈像，被魔得便。當須祕密。

七俱胝佛母所說陀羅尼經

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 net iCRM 及 NewebPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donors, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
